



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-04/02-34-5545²²~~4~~-/24

Sarajevo, 16.01.2025. godine

SKUPŠTINA KANTONA SARAJEVO

n/r Elvedin Okerić, Predsjedavajući Skupštine Kantona Sarajevo

Predmet: Odgovor na zastupničku inicijativu, *dostavlja se*

ZASTUPNIČKA INICIJATIVA:

Zastupnica u Skupštini Kantona Sarajevo, **Marijela Hašimbegović** je na 19. Radnoj sjednici Skupštine Kantona Sarajevo je podnijela zastupničku inicijativu koja glasi:

„Upućujem inicijativu radi provjere materijala koji se dostavlja prosvjetnim radnicima koji je očigledno izvan Plana i programa obrazovanja, a tiče se suspektnog sadržaja kreiranog od strane pojedinih nevladinih organizacija i političkih stranaka sa negativnim utjecajem na državni školski sistem i njegovo djelovanje. Materijali koji se pokušavaju distribuirati su kontroverzni i ideološki indoktrinirani za prosvjetnu djelatnost. Kako bi sačuvali neovisnost obrazovanja, mora se izvršiti monitoring ovakvih dokumenata/materijala i direktori škola su dužni dostaviti dokaz, verifikaciju odobrenja za dalju distribuciju materijala od strane nadležnog organa. Također dužni su odbaciti sadržaje koji nemaju poveznice sa našim državnim planom i programom obrazovanja kojima se pokušava vršiti sabotiranje obrazovnog sistema. Radi očuvanja suvereniteta i integriteta u domenu obrazovanja važno je pružiti otpor provokativnim pojavama nastalim u političkim strankama koje su uglavnom instruirane iz inostranstva. Tražim da se hitno obustave ovakve aktivnosti i da se preuzme odgovornost za izvornu sprovedbu Plana i programa obrazovanja u KS koji nije idealan ali je sigurno povoljniji od sadržaja koji se pokušava nametnuti. Bosna i Hercegovina je potpisnica internacionalnih konvencija koje se trebaju primjenjivati i s tim u vezi sa posebnom pažnjom potrebno je preispitati koji su to sadržaji koji se pokušavaju nametnuti u sferi našeg obrazovanja“.

ODGOVOR:

Realizacija odgojno-obrazovnog procesa u osnovnim i srednjim školama na području Kantona Sarajevo ostvaruje se u skladu sa nastavnim planom i programom koji na prijedlog JU Institut za razvoj preduniverzitetskog obrazovanja donosi Ministarstvo za odgoj i obrazovanje Kantona Sarajevo. U tom smislu čl. 28. i 29. Zakona o odgoju i obrazovanju u osnovnoj i srednjoj školi u Kantonu Sarajevo (Službene novine Kantona Sarajevo, broj: 27/24) propisano je:

„Član 28.

(Nastavni plan i program/predmetni kurikulum)

- (1) Odgojno-obrazovni rad u školi ostvaruje se na osnovu nastavnog plana i programa/predmetnog kurikuluma (u daljem tekstu: "nastavni plan i program") zasnovanom na ishodima učenja.
- (2) Institut izrađuje, inovira i predlaže nastavni plan i program, daje stručna mišljenja o nastavnom planu i programu osnovnog i srednjoškolskog obrazovanja, prati provedbu, vrednuje kvalitet i revidira nastavni plan i program, predlaže i razvija nastavni plan i program za pojedina područja i predmete, te obavlja i druge poslove u vezi sa nastavnim planom i programom u skladu sa zakonom.
- (3) Na prijedlog Instituta, Ministarstvo utvrđuje i donosi nastavni plan i program.
- (4) Revizija nastavnih planova i programa radi se svako četiri godine, a po potrebi i češće.
- (5) U srednjim školama za stručno obrazovanje i obuku realiziraju se nastavni planovi i programi zasnovani na obrazovnim ishodima ili po principu dualnog obrazovanja.
- (6) Nastavni plan je dokument kojim se propisuju odgojno-obrazovna područja, odnosno nastavni predmeti koji će se izučavati u školi, redoslijed izučavanja tih predmeta po razredima, sedmični i godišnji broj nastavnih časova za obavezne, fakultativne i izborne nastavne predmete, a u vezi s tim i struktura školske godine.
- (7) Nastavni program je dokument kojim se propisuje obim, dubina i redoslijed nastavnih sadržaja u pojedinom nastavnom predmetu.
- (8) Ministarstvo će osigurati da nastavni sadržaji odnosno tematske jedinice koje su posvećene izučavanju zločina genocida počinjenog u Bosni i Hercegovini u vremenskom periodu 1992-1995. godina i tematske jedinice posvećene opsadi Sarajeva, a koje su utvrđene presudama nadležnih sudova, budu sastavni obavezujući dio nastavnih planova i programa, kao i Kurikuluma u širem smislu.
- (9) Nastavni sadržaji iz stava (8) ovog člana bit će dijelom realizovani kroz posjete muzejima, predstavama ili drugim kulturno-historijskim sadržajima i mjestima vezanim za historijske događaje Bosne i Hercegovine i Kantona Sarajevo.

Član 29.

(Sadržaji nastavnih planova i programa)

- (1) Nastavni planovi i programi iz člana 28. ovog zakona obavezno sadrže zajedničku jezgru nastavnih planova i programa, na način propisan od Agencije za predškolsko, osnovno i srednje obrazovanje Bosne i Hercegovine.



- (2) U nastavnim planovima i programima u školi, kao javnoj ustanovi, specifični sadržaji određenog nastavnog predmeta se ne mogu razlikovati više od 10% u odnosu na utvrđeni nastavni plan i program iz stava (1) ovog člana.
- (3) U nastavnim planovima i programima u školi kao ustanovi, specifični sadržaji određenog nastavnog predmeta se ne mogu razlikovati više od 20% u odnosu na utvrđeni nastavni plan i program iz stava (1) ovog člana.
- (4) Škola može izvan utvrđenog nastavnog plana i programa uvesti i nove sadržaje u vidu kursne nastave, fakultativne nastave, izborne nastave, novog nastavnog predmeta ili drugog oblika nastave, koji po ukupnom fondu časova sedmično ne može biti veći od 10% u odnosu na utvrđeni nastavni plan i program.
- (5) Novo izorno područje i novi nastavni predmet iz stava (4) ovog člana škola može uvesti samo uz prethodnu saglasnost Ministarstva.
- (6) U školi se realiziraju programi namijenjeni nadarenim i talentiranim učenicima, učenicima sa teškoćama u razvoju i učenicima s invaliditetom koji su po principima inkluzije uključeni u redovne škole i učenicima povratnicima iz inostranstva.
- (7) Programe iz stava (6) ovog člana donosi nastavničko vijeće uz konsultacije sa roditeljima učenika u skladu sa pravilnikom o inkluzivnoj nastavi kojeg donosi ministar”.

Nadalje, odredbom člana 30. Zakona o odgoju i obrazovanju u osnovnoj i srednjoj školi u Kantonu Sarajevo propisano je:

„Član 30

- (1) U školi se mogu koristiti samo školski udžbenici i druga nastavna sredstva čiju je upotrebu odobrilo Ministarstvo u skladu sa zakonom i standardima i normativima i na prijedlog Instituta.
- (2) Škola je dužna omogućiti besplatno korištenje udžbenika i drugih nastavnih sredstava u skladu zakonom koji reguliše upotrebu udžbenika na području Kantona Sarajevo.“

Slijedom naprijed citiranih odredbi Zakona o odgoju i obrazovanju u osnovnoj i srednjoj školi u Kantonu Sarajevo prozilazi da se u odgojno-obrazovnom procesu u osnovnim i srednjim školama na području Kantona Sarajevo mogu realizirati samo nastavni planovi i programi koji su doneseni u skladu sa zakonom propisanom procedurom. Ministarstvo nema saznanja da se u osnovnim i srednjim školama na području Kantona Sarajevo prosvjetnim radnicima dostavljaju nastavni planovi i programi koji su kreirani od pojedinih vladinih organizacija ili političkih stranka, niti da se odgojno-obrazovni proces realizuje po nastavnim planovima i programima koji nisu doneseni u skladu sa zakonom propisanom procedurom. Na kraju, bili bismo Vam zahvalni da Vašu inicijativu konkretizujete i date više informacija kako bi Ministarstvo moglo provjeriti osnovanost navoda koje iznosite.

S poštovanjem,



Dostaviti:

1. Naslovu,
2. Evidenciji,
3. a/a.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba